





周禮以荒政十二聚於民漢唐  
而降因時制變之方載在史策  
者日蓋詳後人拾其餘濫然論  
陳議轉：通行，之而藥生藉口  
叔亥無奇策嗚呼策何奇哉  
有治人斯有以治方今版圖既  
廣生芻益繁時異事殊辦此  
非易况天灾流行國家代有所

賴官到土者設法捕濟非胸有成  
美措置咸宜一時億萬名鴻  
宣騎中澤從繪鄭侯之圖貶  
臧辰之良亦立而視其死可惡  
謂政在變通難以膠執其大端  
不好出粟糶借查災蠲賑數  
者誠得痛癢相與之人舉以  
正無私之法重其始終清其榮  
重一如父母之保志子誠求由中  
者不至於生乳而啼也少也深  
治隆多美祥於而矣政其茲然現  
行規條卷之末議亦為十則以錄  
成規以備考核苟非其人法不自  
以是以望於仁心為負之君子時  
乾隆十七年孟秋朔吳江萬維翰敬



荒政瑣言目錄

平糶

出借

查災

查賑

賑恤

以工代賑

勸捐

粥廠

流民

目錄

鎮撫

成災結冊式

不成災結式

給過籽本結冊式

撫恤口糧結冊式

蠲免錢糧結式

平糶印票式

荒政瑣言

平糶

吳郡 萬維旒 楓江

漢大司農耿壽昌令邊郡築倉穀賤時增價而糶穀貴時減價而糶名曰常平倉損上益下民甚便之今則穀賤糶穀貴亦糶而價不能增穀貴糶穀賤而不堪久貯亦糶與古制稍異然畜積足恃可濟民間緩急其法猶為近古歟

州縣平糶法立弊生稍不加意則胥役漁利奸牙囤積真正窮民挨擠守候有終日而不得升斗者無濟枵腹

之民徒飽豪強之橐故定價太貴則民不沾恩太賤則千百倉儲一朝罄盡甚至不可收拾是宜預定章程變通立法也

每年青黃不接市價昂長預行指款詳糶亦有由司將存七糶三穀米數目行知者照時價核算每米一石豐年減價五分歉收米貴之年減價一錢若荒歉之歲當人加核減不拘一錢五分之例按市價核錢除零出糶若出糶不敷即續詳多糶亦不拘糶三之數

開糶後時價低昂詳請增減若價本平賤民食未乏無煩官穀接濟即應停糶與其糶得賤價他日難于買補不如留為歉歲之用也

分廠平糶不但便民亦省事端地方官每以運送米石多顛抗折耗又恐員役不敷照應僅于最衝要處分一二廠奉行故事不知廠少則人多人多則不能無生得失何如多設幾廠陽以恤其勞而陰以散其勢

陳年倉穀每多紅腐撥運米石又多潮濕二者皆不能久貯不可不為轉移以免後患然亦不可輕易出脫當相其機宜經理出入使官民兩無所累

城倉開糶酌定四鄉遠近適中擇寺廟寬大處分廠平糶運米脚價及員役年級飯食例得准銷先行墊辦事

竣造報

每廠分男女二局每日開廠自辰時起至午時止凡赴  
糶貧民先僮老幼次及丁壯委員彈壓如設廠多而佐  
襍不敷監糶可移營酌派千把員弁赴廠督理多令衙  
役巡邏照應勿使擁擠

廠內一處收錢給票一處收票支米不可延挨至午開  
廠以致貧民守候妨工且恐遲至日中聚集人衆一時  
分散不及致生吵鬧

出糶之時防胥役剋扣鄉保勒索然尤慮冒糶重糶并  
奸牙販賣漁利諸弊臨時收錢給票是否寔在窮民雖

有鄉保亦不能人、物色之有立法稍善者令持門牌  
赴廠按牌准糶然亦不無先後混弊余曾在直隸州縣  
辦理一兩處先期三四月前令各鄉保將烟戶冊逐一  
核正註明戶下有錢糧若干有無手藝造冊存署臨時  
按冊挨查某村庄內某、等戶皆應糶米一目了然另  
以綿紙為票用印註寫戶名每村庄為一束交與保正  
散給各戶執票糶米嚴諭不許需索分文此係內署親  
友查辦斷不可假手胥吏仍預刻初一至三十木戳開  
糶時各戶賣票出驗于票上加以本日木戳仍即交還  
本人一面收錢發票支米若有路遠不能每日赴廠願



萬糶三日五日者則于印票內連用三五日戳記准其  
量糶俾得休息則重糶混糶之弊皆可清釐矣。烟戶  
冊內既已如此詳細倘遇灾祲極貧次貧按冊可稽是  
查造烟戶冊不但為弭盜之良法兼可備糶賑之成規  
地方官亦何不捐數十金帑筆之資費一兩月督率之  
功為之整理一清乎

糶米雖無定數大約自一二升至五升為率倘外米雲  
集市價漸平或麥秋已熟或新穀將登民食可濟酌看  
情形詳請停糶亦應將停止日期預行示諭勿使遠鄉  
窮民趁糶空回

浙省監糶官每員日給飯食銀八分以資薪水每廠書  
役一名斗級二名衙役二名在廠供役每名日給口糧  
銀三分在本縣監糶者不給各省成例不同應隨地查  
辦

倉米氣頭廠底應另留一處減價變賣虧折無多不可  
聽信管倉丁役人等挽和致民不堪食退有後言

編氓蓄庶若米貴日久皆欲仰食于官勢難接濟而紳  
衿富戶囤積居奇亦失調恤隣里之義應勸諭各家將  
餘米出糶令挨次定期輪流出糶于本家門首自為經  
理不過官給告示約束或時委佐式巡查彈壓以免刁

民囉呢不可擾累

紳衿富戶如有願出資採買出糶者給與印照仍移行經過地方一體查驗放行事竣繳銷此所以濟本地之乏至各縣所存平糶原價應責令及時買補還倉倘以之借給商人營運不但帑項久懸巧吏且得藉口停買遂至倉儲久虛緩急何賴

倉穀碾米出糶須先事辦理倘一時糶米不及不妨即以穀接糶定例一米二穀存倉好穀每石碾至六斗上下不無盈餘但民食孔殷未可執一而論又有續詳動欸接糶未奉批示須看大勢有當毅然開糶者無論米

穀皆應接糶每見有糶米不糶穀或觀望拘泥遲迴不糶鄉民徒手往返激成事端此不知變通者之悞也

米價既貴隣近即有過糶之處應預行知會出示曉諭使之流通無阻若禁之使不往人亦禁之使不來利已病隣勢將轉而自病矣而况一有禁阻之文則刁民乘機滋事聚眾搶奪釀無窮之禍見微知著不可不慮

市價貴賤自然之勢有因米價翔踊謂牙行把持昂價嚴加飭禁此在聚米極多之處或可偶一行之否則賤價一定商人裹足不前受害更深摠在招徠之使有餘則價自平故曰民有餘則輕之民不足則重之又曰論

其有餘不足則知貴賤貴上極則反賤賤下極則反貴  
月報糧價有闕入告每有視為無聞緊要聽胥吏混填  
遂至接壤隣境而價值低昂大相懸殊者上司亦以為  
時值如此不加查察不知有因時近出糶故為少開易  
於減價者又有時將採買故為多開易于報銷者須留  
心確訪庶無朦蔽

出借

常平倉穀糶以平市價借以濟民食青黃不接之時原  
宜借糶兼行有謂糶不如借糶以升計借以斗計折耗  
不同且糶則買補或不敷而借則徵收可取盈也有謂  
借不如糶買補之時秋收價平借欠花戶恐有逃亡拖  
欠不如出糶之存價在庫也其實二者不可偏廢只應  
查明烟戶冊實係力田農民的名方准出借殷戶具保  
自不致于延欠且以常情論之富戶出粟加利四五分  
不等民猶依期交還以圖明年復借今官粟加一息或  
且免息反欲抗欠此豈人情其必有胥役之需索保領

之尅扣完納之浮收地棍衙蠹之冒捏概可知矣故曰  
有治人無治法能清釐其弊實自無拖欠出陳易新通  
其饒之官民兩利矣

有令大戶總借百石數十石轉分小戶謂可免零星折  
耗殊不知大戶豈肯代認折耗依然分派且小戶借大  
戶之臉面得以借領大戶必賒小戶之餘潤方肯代勞  
經胥鄉保層層剝削民不堪矣

被災後曉諭農民及時補種如無力窮民不能置買籽  
粒者作速按畝借給米穀俟來歲豐收免息交還  
福建省出借穀石向不收息廣東省止收耗穀三升河

南山東豐年加息歉年免息浙江常平倉穀春間出借  
秋後照數收完其社倉穀石例應加息徵還直隸常平  
倉穀借作籽種者不加息餘亦加一收息各處辦理不  
同惟歉收之歲出借貧民各省一概免息

收成五分以下所借糧石緩至來年秋後徵還收成六  
分者本年先還一半次年徵還一半收成七分者秋後  
徵還免其加息收成八九十分者秋後加息還倉此乾  
隆四年定例浙省通飭收成八分者亦免加息

直隸被災查明有牛具之家賬冊有名之人實在種麥  
地方每畝借給麥種五倉升如該處有麥種可買每畝

給銀一錢有地無牛之貧民催牛耕種每畝發催價制錢二十五文

東省夏被旱災每畝借籽本銀一錢時已交秋補種豆蕎等類每畝借銀五分于存公耗羨內動支造報伏秋盛暑之月力作窮民艱于粒食動常平倉穀酌借口糧秋後免息還倉

籽本有借必還惟加息免息視乎豐歉乾隆十六年浙省被災則以被災五六七分者每畝賑給籽本穀三升八九十分者每畝賑給籽本穀六升俱不取償此變通辦法因原奏內已經聲明賑給故可准銷非成例也

### 查災

夏災不出六月秋災不出九月此就題報情形而言自題出之日起限四十五日將成災輕重分數頃畝造冊具題准扣程途限一面查報戶口定議賑恤又自題報分數之日起再限兩個月將應免錢糧造冊題蠲仍取該管道府州縣廳印結送部

定例夏月被災如秋禾種植將來可望收成者應俟秋穫之時確勘分數另行辦理其間有得雨稍遲播種較晚必需接濟者或借籽種或貸口糧是夏災原無賑恤之例但江浙地方有祇種晚禾一熟無別項稌糧可以

補種者應行詳題即照秋災之例辦理

成災分数不可牽勻計算應以各田地實在被災分数為準如一村之中有田百畝其九十畝青葱茂盛獨十畝禾稼蕩然則此十畝即為被災十分其中有一分收成者即為被災九分二分收成即為被災八分有三分四分五分收成即為被災七分六分五分以此定災核筭蠲數方為確實

有未種田畝應歸入已種被災十分災田內彙造冊結報災後查辦被災田畝則令鄉保按村庄田畝被災分数查造草冊定期送縣註明某人名下自田幾畝災田

幾畝或佃田幾畝災田幾畝蓋被災分数原就災田而論不必問其名下共田若干然註明此句則其人之有力無力極貧次貧已可得其大概矣有此草冊即分頭履畝踏勘此時且不必逐戶挨查蓋被災輕重無論有力無力皆應按分数議蠲急欲查明分数詳題其查看應賑戶口猶是第二層先將田畝查清再行查賑方于例限無悞總之實在成災即于詳報後速行查勘若俟題報行知之後始行查辦則四十五日之期瞬屆非遲悞即草率矣

報災勘災官民惶遽之時正妥辦理確實倘查勘不到

民情不服議論滋起上司委員抽查再有異同則從前  
所查皆不可信又費一番更張不知清查確實一勞永  
逸也四鄉遼遠一人不能遍歷除本處佐襍分查外如  
尚未敷不妨再請委員但守土之官查辦是其專責佐  
襍各員或以事非切已不能認真趕辦所貴平日之誠  
信相孚而臨時舟車資斧從優欵給也

查造冊票等項不能不假手胥吏胥吏又藉鄉保為樞  
紐于是無窮弊端皆出其中故必遴選勤慎殷實之吏  
不許作奸舞弊造冊登張等項照例開銷不敷者捐給  
庶免派累需索之弊

被災五六分者蠲免錢糧一分七分者蠲免二分八分  
者蠲免四分九分者蠲免六分十分者蠲免七分蠲剩  
銀米照例緩徵其原報被災勘不成災歉收田畝錢糧  
緩至次年麥熟徵完其原不被災田畝應徵銀米照常  
徵輸以資經費毋庸一概緩徵

蠲免錢糧當就日畝而論田既被災則不論有無生計  
家產俱按分數豁免錢糧

北地夏至後乏雨不能栽種禾黍惟勸種蕎麥蔓菁南  
方除禾稻外如葦荳赤荳蘿蔔之類尚可補種旱災待  
雨可以車戽之處借工本以濟之力水災急宜疏消使

田禾涸出受傷尚少否則再為翻犁耕種亡羊補牢未為晚也

水荒一線旱荒一片此言被旱之甚于被水然必有高阜之地可以免潦低窪之地不憂暵乾者非可概論水災難勘有大水一過無碍收成者有稍被損傷減收分數者有淹浸久而全荒者旱災則赤地乾裂禾苗枯槁一望而知如有地棍經胥保甲圩長串通捏冒舞弊即行查究

按圖按圩挨次切勘未經勘到之處飭令地戶不必守候不可聽災民混請先看某處以致攔輿爭鬧

直隸查災放賑各官正印丞倅以上不給盤費佐雜教職等官每員月給盤費銀八兩查戶口時抄寫冊票并差遣等事每一委員書辦一名跟役二名每名日給飯食銀四分放賑時每廠書辦二名衙役四名斗級四名每名日給飯食銀四分冊籍帑張筆墨州縣墊用請領浙省場員會同地方官查勘灶地除場員薪水照例不支外每員座船一隻日給船價飯食銀三錢二分隨帶經書二名差役二名門子一名家丁一名轎夫二名每名日給飯食銀三分事竣造冊結由府申鹽道核轉委員會同地方官查勘民地除地方官不支給外委員亦



照前開造冊結由司報銷

查賑

通縣被災散賑務必通查合屬貧民均行賑濟若一縣之內半屬有收止賑被災村庄窮民非被災村庄不在查賑之列其寄庄業戶田糧已經蠲緩亦不在賑例查勘災地原無牽算之法如一縣內半屬全荒半屬有收一戶內十畝全荒十畝有收固不可均作被災五分惟查賑則又當別論一縣之中只計被災村庄查明給賑一戶之內或全荒或半荒半熟正可分別極貧次貧此又辦理之不同也

田畝被災如屬富家業主或另有山場花果桑麻樹豆

等項出息或漁商生理手藝工作可以營生不藉力田活命者概不列入賑冊

浙省向來查賑規條以被災窮民並無已田又無手藝營生山場別業向係佃種為活及佃田十五畝以下已田十畝以下全被災傷准作極貧又已田十五畝以上佃田十五畝以上被災過半又無山場別業准作次貧佃田十五畝以上之戶雖無已田如果全災亦列作極貧。被災之民並無已田已屋佃田耕種全荒者或無已田已屋佃田成災過半家口衆多者并外鄉遷居耕種田已全荒無力傭工者定為極貧雖無已田尚有房屋牲畜佃田全荒者雖無已田已屋佃田半屬有收而家口無多者自種已業僅止數畝全荒者或有少許收穫而家口衆多者搭寮居住耕種外鄉別邑農民佃田荒已過半無力傭工者定為次貧此雖已行成案亦只言其大概耳總在臨時酌看情形因地制宜妥協辦理毋致遺濫不可過于拘泥也

直隸災賑以十二歲以下為小口浙江以十六歲以上為大口能行走者為小口襁褓者不在賑列田畝少而家口多者雖屬無力未可概為極貧蓋田少則收穫本少即豐年亦不能養數口之家自應除不藉

田畝生計者不賑外其餘實係窮苦者將年力壯盛可以食力者刪除不過酌量予賑若計口授食是歉歲獲邀賑恤及過于豐收矣

查災給賑不可預有成見摠就其被災之輕重為定若有心博寬大之名以免日後刁民控告書役鄉保乘機混冒無所不至臨時亦難裁汰若有心為節省之計一任刪減譁然不服更且哀鴻載道輾轉溝壑大可傷心故災戶必不可漏惟有審其力量以口數為伸縮若不諳治體始而善念勃發謂寧濫毋遺及見需費浩繁痛加刪削以至災民失所絡繹道途然後復為增益刁民

又妄生覬覦此皆不體察地方寔情而但以意為輕重也

先令鄉保查開被災戶口草冊有產有藝極貧次貧戶首何人男女大小幾口俱行註明摠以一家為一戶不許以父子祖孫分報重報既有草冊然後印委及同城佐襍各官輕騎減從帶同鄉保分路查點仍將其月日查某村庄先行示期以免災民外出逐戶按冊挨查極貧次貧大口小口如有未符即于冊內校正無濫無遺全在此時着實有牛有畜有倉庾有生業暗記冊內日內有混行告賑者可以查明駁飭再有先經外出存有

空房者查其姓名丁口另行登記日後聞賑歸來查冊  
補賑

查畢之後或給門單實貼門首或于牆上灰書姓名口  
數以防遺漏重複影射之弊仍將各庄被災分數極貧  
次貧大小男女名數彙造簡明冊申送上司查閱  
鄉保開報最易滋弊應嚴加查察給與紙張不使需索  
派累諭以利害不使瞻徇冒濫仍不時確訪如有妄冒  
及指稱使費歛錢立即拏究倘耳目不及別經發覺又  
多一事矣

查定戶口或有出外投奔親戚或已亡故或有遠歸皆  
令鄉保隨時稟報查明增刪如前冊內未開而實係該  
村貧民查明取結一體入賑

戶口冊既定即預備雙聯印票填明村庄姓名戶內男  
婦應准口數應賑月分與災戶收執靜候賑期應賑月  
分自照被災分數惟名口多寡須看災戶情形隨時權  
衡不能按口盡給若干挨查時即行給票恐有刁民一  
時爭多較少喧鬧糾纏不如另行查填散給其票根存  
縣備查

被災各屬貧生止藉數畝薄田教書以資耕讀今田畝  
被災別無他產謀生者教官確查大小戶口極貧次貧

造冊轉送州縣按其家口酌加撫恤稍有活變生計不得冒濫浙省成例以貧生全無糧產亦無已屋者為極貧住係已屋尚有些微田地而全荒者為次貧此亦不可拘泥

衛所軍田被灾如係軍佃該衛自行查明造冊移縣所需銀米附縣給賑事竣由衛造花名冊結各縣出結報銷其民種軍田應歸縣查報戶口給賑

直隸旂庄人等除庄頭及有壯丁披甲差地頃畝數多毋庸議及並租種旂地之被灾地戶在民冊內造報外其有專靠種地數畝為活並無別業餬口實在乏食旂

人將大小家口另行造冊由該佐領彙報理事廳核發州縣一體賑恤

民戶應給撫恤籽本賑濟銀米由藩司核實在于司款動支各場灶戶被灾所需撫恤籽本賑濟銀米等項由道核實銀動道庫義倉及京協餉平餘等款米動益義倉糧按期詳明撥給事竣取具各場冊結及勘灾查賑盤費等項冊結彙案題銷乾隆十六年浙省因京協餉餘平所存無幾各場撫恤籽本賑濟銀兩在于益庫報存益課項下動支義倉無存應給灶戶賑米于截漕項下動給。扣蠲灶課錢糧冊結由道取齊核明造摠并

賑恤各冊結一例依限取造彙移布政司彙轉  
賑恤災黎原因水旱田地被災起見若鰥寡孤獨平日  
自應查明編入養濟院額內并有額外捐給半分口糧  
候缺項補原不待歉歲始行撫恤乾隆十六年浙省咨  
准部覆將貧寒士子及鰥寡孤獨疲癯殘疾之人照被  
災七八分之例一體加賑兩個月又是變通辦法  
災戶查定之後窮民每以冊內有名而賑期尚早遂携  
帶妻子出外覓食者自應設法安集多方曉諭毋令餬  
口四方不然絡繹載途皆某縣流民豈美名耶且隣邑  
災民流離乞食饑寒所迫為地方之累不如多費幾文  
資送回籍收容安插省一事故也

賑恤

秋月被灾五分者來春酌借口粮毋庸加賑被灾六分  
極貧者賑一個月被灾七八分極貧者賑兩個月次貧  
賑一個月被灾九分極貧者賑三個月次貧賑兩個月  
被灾十分極貧者賑四個月次貧者賑三個月每大口  
日給米五合小口減半仍扣除小建

賑四個月者十月賑起三個月者十一月賑起兩個月  
者十二月賑起一個月者次年正月或臘月中給賑  
灾黎甫行被灾倉皇無定如大水淹漫田廬漂沒窮民  
無食無依之時則有急賑即所謂撫恤不分極貧次貧

總與一月口糧其室廬無恙秋成有望者不在此例  
大水淹漫室廬蕩然被灾最為慘烈自應急賑可以一  
面奏明一面辦理若別項灾傷時當八九月間即便豐  
收亦須有待斷無今日告灾明日乏食之理乃小民望  
息俸澤幾于刻不可緩每有非時妄想肆口怨言紛  
控懇此亦須剴切曉諭以免爭鬧滋事

戶口看定即宜約計應需銀米若干不敷若干詳請撥  
領通盤計美先事預籌方免遲悞

設廠散賑就遠近適中之處預將應需米石運貯并將  
某村庄定于某日在某處廠內散給先行出示曉諭此

亦成例有謂灾民跋涉艱難必須每數里即設一廠殊  
不知賑廠與糶廠不同灾重之區給賑四個月即赴城  
領米亦不過四次未為勞民廢時較之糶廠有日至月  
至之別倘係老弱病廢及寡居幼丁皆許親隣代領若  
多分廠所不但搬運之折耗繁多一縣之胥役斗級能  
有幾何可以分派印委各官何能分身周歷反致稽察  
不及即生事端不如擇最遠之地設廠一兩處只要人  
手多不壅滯自便民耳

城倉鄉廠散賑之時先令鄉保挨順村庄依次散給其  
未散到者俱令暫遠不得越次近前挨擠



逐戶驗票唱名散給即于票內加以戳記給還本戶以便下次領賑如係末次即將印票收存開賑須早不可使鄉民守候司賑之員預赴廠所住宿不但慎守米石且便次早放賑

倉穀不敷散賑督撫酌量情形銀米兼賑在于地丁銀內動支賑濟至折價若干各省自有成例不拘一定。

銀米搭賑或有每月半銀半米或有賑兩月者次賑給銀賑三月者二賑給銀賑四月者二賑四賑給銀

米糧先賤而後貴似應先賑銀後賑米若該處情形有錢無買則須賑米搭銀一面招商採買以濟民食

折給米價雖有定數但以整封分拆零戶折耗既多必須賠補窮民換錢零用又被店舖虧折不如易錢散給若有平糶等項錢文應行易銀存貯者亦可移換此官民兩便之道

散賑之時人手雖多難按升斗量給應製大建一斗五升大桶七升五合小桶另備小建一斗四升五合大桶七升二合五勺小桶多備數副臨時按照大小建取用庶為便捷

千萬倉貯搬運分量未嘗無折耗但新陳出易經理得宜從長計議自有彌補之策切不可因目前之賠累以

節省為念而斤斤于升斗之微末致騰口說此不可不慎也

直隸乾隆四年水災冲塌民房查明除有力之家及數椽土房雨淋稍塌尚可居住外其餘全行冲塌現在露處無棲或雖未全塌非拆不可又無力修蓋窮民查明人口多寡被災輕重如被災重而人口多又塌房無棲者給蓋房銀一兩次者給銀八錢少者六錢又人少屋止一間其梁柱墻垣俱須周圍蓋造者給銀八錢人稍多屋兩間給銀一兩二錢屋多人多給銀一兩八錢江南被水災坍塌房屋官給修房之費上江瓦屋每間

四錢艸房三錢次貧者各減一錢下江瓦房每間給脩費銀七錢五分草房四錢五分乾隆十年奉 旨每間增銀二錢坍塌房壓死人大口棺木八錢一兩不等小口四錢浙江被水冲倒房屋樓房每間給銀二兩平房給銀一兩草房給銀五錢草披草廠給銀二錢五分淹斃人口大口給銀二兩小口一兩此等規條各省不同臨時叅攷

錢此等規條各省不同臨時參攷

小 錢一兩不等  
八錢  
二錢  
一錢  
半錢  
一分  
五分  
一分  
五分  
一分  
五分  
一分  
五分  
一分  
五分

乾隆十年奉特旨每  
錢下江尾房每間  
錢下江尾房每間  
錢下江尾房每間  
錢下江尾房每間  
錢下江尾房每間  
錢下江尾房每間  
錢下江尾房每間  
錢下江尾房每間  
錢下江尾房每間  
錢下江尾房每間  
錢下江尾房每間  
錢下江尾房每間  
錢下江尾房每間  
錢下江尾房每間

以工代賑

備工度日之人並不力田原不給賑時當儉歲難以存  
活惟有寓賑于工查明城垣橋梁濬河諸事詳估奏准  
興工可令食力

工程一千兩以上者俟水旱不齊之年動帑興備以工  
代賑一千兩以下者酌用民力分年脩理

直隸民脩堤埝疏濬河渠原不給工價歉歲民食維艱  
照欽工例酌給十分之三築堤實土一方連夯礮給米  
三升九合開河旱土每方給米三升水方給米四升五  
合俱以米一石折銀一兩串竣核實報銷于公項下動

撥

各省民堤民埝有閩民舍田廬應行修築而民力實不能辦者照以工代賑例動用公項酌量興脩所需土方照浙省大嵩塘挑河之例每方准銀三分八厘加夯礮銀一分共給銀四分八厘

各省脩河築堤土方多寡微有不同民堤民埝應照各省官河官堤土方工價給予一半自雍正十二年以後給官價十分之三乾隆七年以後給官價一半

杭城挑河就近挑送上岸堆積給銀八分外加車水銀一分河面寬六七丈者再加車水銀五厘百丈之外用

船裝送再加船夫銀六分又加挑送上岸夫價銀三分每方共銀一錢八分五厘次遠者加船夫銀四分又加挑送上岸夫價銀三分每方共銀一錢六分就近空地堆積每方給錢一百文計銀一錢二分五厘遠送江灘每方連車水給錢一百四文計銀一錢三分築壩每道取土填築每方銀八分每丈用長八尺松椿十二根每根銀五分每丈用夾壩高四尺長八尺松板一丈每丈銀六錢每丈用安釘椿攀纜夫十六名每名銀四分每道用紫花筏三百二十八條每百條銀五分築壩兩頭各有亂石泊岸拆移空處以便築壩俟工完

仍行整砌每道用夫十名每名銀四分各處工程報銷  
不同臨時查辦

### 勸捐

本地紳衿商民如有誼薦桑梓情殷任恤者或將餘米  
減價平糶或就實在貧民徑行施給或設廠煮粥或捐  
製棉衣及橋梁蠶序水道陂塘之類事竣核實具詳小  
則從優旌獎大則題請議叙

紳衿富戶社倉捐穀十石以上州縣給以花紅三十石  
以上州縣給匾五十石以上詳報知府給匾八十石以  
上詳報巡道給匾一百石以上詳報布政司給匾一百  
五十石以上督撫二院給匾捐至四百石照例請題給  
以八品頂帶捐至千石以上又係有職之員分別職銜

大小酌量議叙

直省偏災地方紳士捐貲助賑除捐銀不及三百兩者量給匾額花紅如候補候選人員捐至三百兩以上至六百兩予以紀錄六百兩以上至九百兩予以加級五千兩以上准其不論雙單月即用貢監生民人等捐銀四五百兩以上予以職銜加以頂帶千兩以上亦准分班選用現任官員捐銀千兩以上始准紀錄五千兩以上准其加級或加頂帶今浙省另有奏准捐銀議叙新例不及條錄

勸諭紳士減價平糶浙省議定出糶百石及五十石以下者于該縣城鄉總製一匾開列糶戶姓名懸掛公所糶一百五十石以上至二百石者縣給匾音二百石以上至三百石者詳府給匾三百石以上至四百石者詳道給匾四百石以上至五百石者詳司給匾五百石以上至八百石者撫院給匾八百石以上至千石督各給匾音此與捐穀獎勵大不相同誠以捐穀出自好施而減糶不過寡取故于與人為善之中立嘉獎之差等如此

粥廠

不耕不業例不食賑以及疲癯殘疾飢餒無告之民粥廠自不可緩矣或動公項或勸諭富室出資分廠煮粥自冬徂春暫濟民食其開廠停廠摠先期十日前出示曉諭俾貧民依期就食不致或先或後有虛往返

一二里以內飢民就廠食粥其遠者勢不能為一盂粥行數里路應大口折給米二合小口減半但窮民貧得一飧不無冒濫應照平糶米廠之例預備印票令各鄉保查明無產無業實在貧苦無依者散給印票其外來之人臨時問明給票票內寫明縣分村庄姓名大小口

廠內預刻初一至三十日本戳凡赴廠領米領粥賣票  
出驗即以本日本戳印記票內給與粥籌米籌入內交  
籌給粥給米而出次日亦然已有本日本戳記及無印票  
者概不准給遠村民人願摠領五日米者即連用五日  
戳記免其連日奔走

廠內兩廊分別男左女右自外驗票給籌魚貫而入有  
老弱不能上前者撥後照料免致擁擠

每廠派佐雜一員書吏二名衙役四名量米斗級煮粥  
搬運水火夫數名并選集里中公正紳耆董理其事每  
日寅卯時督令水火夫煮粥辰時起至午時散給不得

遲延以致飢民枵腹守候員役酌給薪水飯食委員宿  
廠典守米石并稽查煮粥挽襍糠粃灰水等弊  
外來餒乏飢民不能回籍者暫行收留強壯者給粥一  
餐問明住址給錢十餘文由縣撥後逐程解送回  
籍安插雖資送流民之例已經停止但日食粥廠為費  
不少不如以數日之食作歸籍之資即于公捐數內開  
銷未始不可也



能未時不可也  
不少不味心嫌且又令其難辦之資明乎  
蘇安軒輟官數月之何曰到斯五日日會  
餘問即軒止命輝十餘文由錄論文辭好  
水來趨多賸六下輪回蘇普博外留  
一編典中米可查蕭縣蘇縣縣州水善  
其以姓月跡動中知員好酒餘謀本  
對會表良辭

流民

漢初令飢民就食蜀漢後又令就食江淮間欲啗之處  
遣使冠蓋相屬于道護之下巴蜀粟以賑之歎歲之有  
流民振古如斯矣今飢民到境設法留養亦行古之道  
也但此等流民或有被災處未及鎮撫或彼處入賑之  
民因本籍已經查賑有人代領遂出身求乞以省家食  
若一經設廠留養不但本地窮民竄身其間遠方之民  
聞風而至有聚無散其費不支且伊等冬冷無衣夜寒  
無被雖免啼饑又煩經理况人多則難稽察奸良不一  
日則就食夜則匿竊防閑更難廠內日久穢氣薰蒸朝

流民

天

夕傳染必有疾病繼以死亡飯食之外又須醫藥棺木之資各項費用若皆出之勸捐勢難為繼且此中乞丐游惰居其半養之不能聽之不可流離載道滋生事端不如設法遮留各歸故土詢明里居住址逐程遞送回籍取鄉保管束不使復出沿途每日給錢十餘文僅資口食不可多給多則愚民貪利又將復來矣

鎮撫

芸生萬眾使民自養易以官養民難往，有多方撫恤而仰食無饜不思傭力求生輒行控災控賑糾紛多人混行爭鬧若有求必應民氣轉驕如果查辦確實並無遺漏不可不示之以法此恩威兼濟之道但須駕馭有權操縱在我否則激成事端憂方大耳

地方一有災侵無窮事變皆出其中不但好勇疾貧之輩囂然不靜向時匪類亦乘機竊發故應修整柵欄輪值支更員役巡夜鄉僻處所一切冷廟坟屋隨時巡察水柵以時啟閉小艇漁舟稽查盤詰責成保甲嚴查里

內舊賊出入新賊潛踪須加意防範也

截留漕米船上回空帶來之水手俱從山東淮揚一帶短催無力回籍旂丁又不能養贍于是流落為匪四散擾害應令旂丁將每船水手查開姓名住址報明衛官其有手藝營生親友依靠不願回籍者取結安插其願回籍者若責令原催之旂丁設法資送恐力不能查江浙收漕均有漕費錢文半給旂丁剝運今既截留則此項錢文已屬閒款可以動撥為資送回籍之費

民食不足賣兒鬻女即有一班惡徒從中把持取利或強分身價或色價轉販或不令親屬見面遠售與閩廣

客商或誘引拆賣髮妻摠使一散而不能復聚此等名為救急實屬慘毒急宜訪拏嚴禁至于無食之人若令子女餓殍相守以死亦所難行只許在三五百里內典身服役買主覓認識之人作保三面成交親族送至本主地頭媒保不許分肥仍俟歲豐力裕備價取贖先須切實示諭省事端亦積陰德也

成灾分数結冊式

縣結式

浙江某府某縣今於

與印結為

全註語後做此

事結得

早縣乾隆某年分

被旱田地會同委員某縣某勘實各庄被灾幾幾分共

田若干內幾分田若干幾分田若干又被灾幾幾分共

地若干內幾分地若干幾分地若干另具應免錢糧冊

結另送外所有勘實被灾輕重分数田地不致扶捏如

虛甘罪印結是實

府結式

浙江某府今於

與印結為其事結據其縣知縣某結稱結得

卑縣乾隆某年分被旱田地會同委員某府同知縣知某勘

實各庄被災云云照縣結全備等情到府卑府覆核無異理

合加具印結是實

委員結式

浙江某府某縣同知今於

與印結為其事結得某縣某年分被旱奉委

會同該縣知縣某勘實各庄被災云云照縣結全備除應免

錢糧冊結該縣造送外所有勘實被災輕重分數田地

不致扶捏如虛甘罪印結是實

冊式

浙江某府某縣

呈為其事今將卑縣某年分被旱成災田畝勘實輕重

分數造具簡明清冊呈送查核施行須至冊者

今開

原勘被旱共若干都庄內除某某都在報後得雨

薄收不致成災外所有某都起至某都止共若

干都庄俱係勘實成災內

原勘被災田共若干頃畝

今除勘實不致成災田若干頃畝外  
實在勘實成災共田若干頃畝內

五分成災田若干

六分成災田若干

七分成災田若干

八分成災田若干

九分成災田若干

十分成災田若干

以上共成災田若干

某都

甚實被災共田若干

幾分災田若干

幾分災田若干

餘數

不成災結式

縣結式

浙江某府其縣今於

與印結為某事結得半縣某年原報被旱村

庄田畝會同委員某府同知縣知某履畝確勘實係秋成有

收不致成災並無扶同捏混情弊印結是實

府結式

浙江某府今於

與印結為某事結據某縣知縣某結稱結得

云云照縣結全脩等情到府卑府覆核無異理合加具印結

是實

委員結式

浙江某府某縣今於

與印結為某事結得某縣某年原報被旱村

庄田畝奉委會同某縣知縣某履畝確勘實係秋成有

收不致成災並無扶同捏混情弊印結是實

給過籽本數目結冊式

府結式

浙江某府今於

與印結為某事結據某縣知縣某結稱結得

卑縣某年分原額田地除不被旱田地外勘實被旱五

六七分地共若干除有力之家不給籽本地若干其餘

無力之戶共地若干每畝給籽本穀三升照定價折給

銀若干共銀若干被旱八九十分地共若干除有力之

家不給籽本地若干其餘無力之戶共地若干每畝給

籽本穀六升照定價折給銀若干共銀若干以上通共



給過籽本穀價共銀若干俱係會同委員按畝散給督  
令補種襍糧撫恤安頓得所外中間不致扶捏如虛甘  
罪印結是實等情到府卑府覆核無異理合加具印結  
是實

縣結式

浙江某府某縣今於

與印結為某事結得卑縣某年分原額田地畝

云云照前全寫印結是實

委員結式

浙江某府某縣今於

與印結為某事結得卑縣奉委查勘某縣某

年分勘實云云照府結全寫俱係會同該縣按畝散給督令

補種襍糧撫恤安頓得所不致扶捏如虛甘罪印結是

實

冊式

浙江某府某縣

呈為某事今將卑縣某年分被旱田畝分別有力無力

給過籽本折價銀兩分晰造具細冊呈送查核施行須

至冊者

今開

某年分

勘實被灾

五六七分田共

若干頃畝內除有力

之家不給籽本田若干其餘無力之戶田若干

每畝給籽本穀六升照定價折給銀若干共

銀若干

餘做此

共給過籽本穀價銀若干

某庄

勘實被灾幾分田若干內除有力之家不給籽本

田若干其餘無力之家共田若干每畝給籽本

穀幾升照定價折給銀若干共銀若干

一戶其被灾幾分田若干給籽本穀價銀若干

餘做此

以上通共給過籽本穀價共銀若干

前件係動支某款銀兩領回散給理合註明

撫恤一月口糧結冊式

縣結式

浙江某府某縣今於

與印結為某事結得某縣某年分被旱賑過

乏食灾民若干户内男婦大口若干口計賑一個月自

某年某月某日賑起至某月某日止計三十日每口日

給米若干共給米若干每石折給銀若干計賑米價銀

若干男女小口若干名口計賑一個月自某年某月某

日賑起至某月某日止計三十日每口日給米若干共

該米若干每石折給銀若干計賑米價銀若干通共該

米若干每石折給銀若干計賑米價銀若干內動支某款銀若干每米一石折給銀若干作米若干俱係會同委員親行逐名散給並無虛捏冒領重支等弊不致虛捏印結是實

府結式

浙江某府今於

與印結為某事結據某縣知縣某結稱結得云々全等情到府卑府覆核無異理合加具印結是實

委員結式

浙江某府某同知今於

與印結為某事結得奉委會同某縣知縣某賑過乏食灾民以下照依縣結各數全開俱係會同該縣知縣某親行逐名散給並無虛捏冒領等弊不致扶捏印結是實冊式

浙江某府某縣

呈為某事今將賑過某年分被旱乏食灾民大小各口動給銀米數目造具細冊呈送查核施行須至冊者

今開

一卑縣賑過灾民共若干戶內男婦大口若干名口計賑一個月自乾隆某年某月某日賑起至

某月某日止計三十日每口日給米五合共該  
米若干每石折給銀若干共折給銀若干男女  
小口若干計賑一個月自乾隆某年某月某日  
賑起至某月某日止計三十日每日給米二合  
五勺共該米若干每石折給銀若干共折給銀  
若干通共賑過灾民若干

大口若干  
小口若干

通共該米若干每石折給銀若干共給銀若干

前件係在于某款銀內動支按戶按口賑給理合註明

某戶

被早乏食灾民

一戶其人

大口幾口 某人 某人

以上某庄賑過灾民若干戶內男婦大口若

若干名口計賑一個月計三十日每口日給米

五合共給米若干每石折給銀若干共賑給

銀若干男女小口若干名口計賑一個月計

三十日每口日給米二合五勺共給米若干

每石折給銀若干共賑給銀若干

共該賑米若干每石折給銀若干共給米價銀若干

餘做此

蠲免錢糧府結式

浙江某府今於

與印結為某事結據某縣知縣某結稱結得

卑縣乾隆某年分各庄被旱成災五六七八九十分共

田若干每畝除蠲免各徵不等加丁等項實徵銀若干共應徵銀

若干共應免銀若干每畝除漕糧等米各徵不等外實

徵米若干共應徵米若干內被災幾分

田若干每畝除蠲免加丁等項實徵銀若干共徵銀若干

干奉文免十分之幾每畝免銀若干共應免銀若干每

畝加丁除漕糧等米若干共徵米若干奉文免十分之

幾每畝免米若干共應免米若干被灾五六七八九十  
分田畝叙前取具各庄里民並無捏報冒免情弊甘結  
印鈐外卑縣不致扶捏如虛甘罪等情到府 甲府覆核  
無異理合加具印結是實

此係乾隆十六年浙省民田地被灾頒發冊結式  
存此備查場地冊結式不另載且折給籽種冊結  
各有不同應隨時酌辦

平糶印票式

按日用一木戳如有路遠情願搃糶五日之  
米即連用幾日木戳以免日下赴廠

某縣平糶印票

某都某村某人

某年某月初一初二初三初四初五

此票遺失不准領米

中用印一顆賬冊印單亦做此



三

Handwritten text in vertical columns, including the characters "三" and "四".



